



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: 01-\_\_\_\_\_/15  
Datum: \_\_\_\_\_.2015. godine

Na osnovu člana člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03), člana 64. Stav 8. Zakona o zdravstvenoj zaštiti („Službene novine Federacije Bosne i Hercegovine“, broj: 46/10), člana 10. Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Tešanj („Službeni glasnik Općine Tešanj“, broj: 8/03, 1/04 i 9/06) i člana 14. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Tešanj na svojoj 32. sjednici, održano j dana 20.07.2015. godine, donijelo je

### **RJEŠENJE**

#### **o imenovanju komisije za provođenje procedura izbora članova upravnih odbora javnih zdravstvenih ustanova u 2015. godini.**

#### **I**

U cilju praćenja mandata imenovanih upravnih odbora u javnim zdravstvenim ustanovama kojima je osnivač Općina, te pravovremeno pokretanje i provođenje procedure za njihov izbor i imenovanje zbog isteka mandata, imenuje se Komisija za provođenje procedure izbora članova upravnih odbora javnih zdravstvenih ustanova u 2015. godini u sljedećem sastavu:

- **Azra Muslija, predsjednik**
- **Kanita Gredelj, član**
- **Mirnes Dedukić, član**
- **Haris Jašić, član**
- **Velid Joldić, član.**

#### **II**

Zadatak Komisije je da odmah, a prema dostavljenom pregledu mandata upravnih odbora u javnim zdravstvenim ustanovama, sačini plan rada (pregled rokova i dinamiku aktivnosti pokretanja i provođenja procedure za izbor i imenovanje ovih organa čiji mandat ističe u oktobru 2015. godine). Komisija će, shodno zakonu pokrenuti i realizirati sve aktivnosti vezane za pokretanje i realizaciju procedura uz saglasnost nadležnih općinskih organa za izbor i imenovanje.

**Komisija za izbor će predložiti rang listu sa najbolje rangiranim kandidatima i dostaviti Općinskom načelniku. Općinski načelnik predlaže Općinskom vijeću donošenje rješenja o konačnom imenovanju upravnih odbora javnih zdravstvenih ustanova.**

#### **III**

Naknadu za rad članovima Komisije iz tačke I ovog rješenja će odrediti Općinski načelnik u skladu sa naknadama za rad komisija, a po osnovu izvještaja o radu Komisije.

#### **IV**

Ovo rješenje stupa na snagu danom donošenja i objavit će se u "Službenom glasniku općine Tešanj".

**PREDSJEDAVAJUĆI OV  
Senad N.Subašić, dipl. oec.**

## OBRAZLOŽENJE

### I – PRAVNI OSNOV

Pravni osnov za donošenje ovog Rješenja sadržan je u:

- član 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03),
- člana 64. Stav 8. Zakona o zdravstvenoj zaštiti („Službene novine Federacije Bosne i Hercegovine“, broj: 46/10),
- član 10. Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Tešanj („Službeni glasnik Općine Tešanj“, broj: 8/03, 1/04 i 9/06),
- član 14. Statuta Općine Tešanj („Službeni glasnik Općine Tešanj“ broj 11/07).

### II – RAZLOZI ZA DONOŠENJE

Razlog za donošenje ovog rješenja je što u oktobru ističe mandat upravnim odborima tri javne zdravstvene ustanove kojima je osnivač općina Tešanj. Upravne odbore imenuje Općinsko vijeće na prijedlog odgovornog javnog službenika, nakon provedene procedure shodno Zakonu o ministarskim, vladinim i drugim imenovanjima u F BiH.

Članom 64. stav 8. Zakona o zdravstvenoj zaštiti je propisano da upravni odbor zdravstvene ustanove u vlasništvu općine ima tri člana i čine ga predstavnici:osnivača, iz reda predstavnika Kantonalnog ministarstva i iz reda zaposlenih. Predsjednika i članove upravnih odbora zdravstvenih ustanova u vlasništvu općine imenuje i razrješava Općinsko vijeće na prijedlog Općinskog načelnika, u proceduri u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“,broj:12/03) i Zakonom o ustanovama („Službeni list R BiH“, broj:6/92, 8/93 i 13/94), da mjesečnu naknadu za rad predsjednika i članova upravnih odbora zdravstvenih ustanova utvrđuje Općinsko vijeće na prijedlog Općinskog načelnika.

Zakonom o ministarskim, vladinim i drugim imenovanjima Federacije Bosne i Hercegovine, članom 9. regulisano je “ Komisija za izbor je zadužena za pregledanje prijave. Komisija za izbor se sastoji od pet članova, od kojih su najmanje tri državni službenici (kako je to regulirano Zakonom o državnoj službi) ministarstva ili drugog organa, odnosno agencije nadležne za regulirani organ u koji se predlaže imenovanje. Prilikom imenovanja članova komisije za izbor, odgovorni javni službenik vodit će računa o tome da članovi komisije za izbor po mogućnosti budu lica koja su pokazala da poznaju odredbe ovog zakona o ministarskim, vladinim i drugim imenovanjima, čiji je ovaj član dio i koja posjeduju stručno znanje u odgovarajućim oblastima. Druga dva člana komisije za izbor imenuje odgovorni javni službenik također na osnovu kriterija iz prethodne rečenice.”

Kako je prijedlog ove Odluke opravdan i utemeljen, podnosim Općinskom vijeću isti na razmatranje.

#### Dostavljeno:

1. Naslov
2. Arhiva

#### OBRAĐIVAČ:

Služba za društvene djelatnosti i  
investicije

#### PREDLAGAČ:

Općinski načelnik

---

Azra Muslija, dipl. pravnik

---

Mr. sc. Suad Huskić, profesor

Broj: 01-02-34-5-1410 /15  
Datum: 09.07.2015. godine

